

所安遺集

所安遺集

長沙

陳泰

志同

天馬賦

考試官批氣骨蒼古音節悠然疑熟於楚辭者
然不免悲嘆意疑必山林淹滯之士天門洞開
天馬可以自見矣

若有龍子渥洼之子滎河之孫

批便奇崛

產自月窟來

於大宛筋權奇而虎脊子肉磊砢而峰巒精神變化不

可測子上貫乎星房之垣朝發蹤乎河濟子晡沒影乎

崑崙雖有銜勒不暇顧子彼興隸其焉能援

批筆氣飄

飄惜遭時之孔阮子伏卓撫而中顏隨駕駘而並駕子

又或驕逞而相欺啗芻菽而不飽子羗豆菽之可期輒
鹽車而登大行子路岵嶢其險崎義和迫而將晏子勢
蒼黃而摧萎批讀之悵然翩翩之伯樂子道安適而逢
之汝然為子涕子爾何困乎此歎批奇氣可掬世貴賤
之不分子信焉用夫駿為解劍佩以為質子吾將待子
而西歸欲掃空夫大漠之野子寧轡玄圃而騰崦嵫不
然乘雲躡風載周穆而遠覽子造王母乎瑤池於是天
馬俯首噴沫振鬣仰吁物固各有所遇子遇固各有時
向微子之超越子骨委絕其誰知批有司雖非伯樂能
不為子刮目耶縱逸氣之凌厲子獨不為子而徘徊倘
一試而遽舍子駕鼓車子何悲伯樂復嘆而為之歌曰

批可謂寸駿天馬子風駿批竹耳子夾鏡瞳少不自見
子老愈工嗟哉蹭蹬子吾知爾之為龍

留別歐陽玄魯伯昭二同年

麒麟骨骼虎豹文當年湖湘談兩君胸中磊落富經史
豈獨下筆空凡羣貴戚權門皆倒屣南北風雲會於此
談笑真堪魯仲連風流亦到歐陽子玉堂萬卷圖書新
冉冉翳鳳驂星辰天孫雲錦不浪織帝旁已染紅薇春
戎身亦生大國楚尊前作歌能楚舞屈原賈誼今已矣
世間人才吁可數

題趙子昂畫馬歌

九原駿骨埋地中一夕畫化霜皮松畫史刻松作神墨

掃出麒麟帶松骨煙沙漠披風鬃精氣炯炯房星同
天山無人草木白西極日沒黃河東時平使汝困轅軛
不得變化騰為龍黃金擲送燕臺下當日君王惜高價
自從汗血去人間老死英雄空見畫千年祇說曹將軍
弟子韓幹終無聞今之畫者趙翰林嗚呼三晉賢子孫
贈思齋郭處士

先生奚為箕顓之清幽忽思洞庭衡岳而南游南方風
氣未宣泄浩與嵩洛相沉浮二百年冠冕黼黻亦已極
猶有存者弘璧琬琰琳琅球先生志趣太奇古欲使天
祿四庫躋藏收天高日月衛宸極五十五度當中州遺
經不肯列韓魏精舍徑為河南脩郭大梁人今擬創河

南書院集羣書於彼河南司馬溫公二程夫子克夫先生也吾聞清廟貴茅屋丹刻踰制非前猷周公不公孔不丘悽愴誕幻蛇為牛撞鐘吹螺日鼎食紺宇珠蓋王公侯朝神雨露不分別稂莠遂勝嘉穀秋我居道德仁義宅竊為祿補中心憂先生但看持鉢化圖構梵剎為謀其徒數千人遮道更唱咻高明之室鬼所闕頃刻布地金錢流嗚呼民生衣食唯粟帛獨不念靈光殿古梁棟折

贈琴士呂中谷

象環樞具青綸中路人喚作回仙人茅君洞裏醉千日至今彈得華陽春我貧無琴亦無酒提壺問字皆琴友

三杯一曲墨淋漓
白雪花飛滿暗牖
前年醉倒蘭溪邊
水雲沃以松風絃
醒來月色浩如瀉
今夕對月空潸然
嗚呼水雲不復起
徐公樂章呂公指
雖無老成有典刑
為我臨流瀉秋水

秋江釣月圖歌

秋谷李平章所善客鄱陽葉天文隱居不仕其
行卷曰秋江釣月圖同年魯伯昭濶里吉思贈
之以詩屬余次韻

青蘿斷岸苔如髮
天清水落魚龍窟
中有江南漫浪翁
獨棹秋江釣明月
秋江月白芙蓉深
扣舷夜和江神吟
不須槎上泛牛斗
瓊樓玉宇空心人
千年白石今可煮

一掬泉香楊雲母富貴知君已厭看翠黛紅妝夢中舞
人間月色儘風波聞道君家月最多我亦扁舟下彭蠡
到門相訪定如何

將離京師別李朝端陳伯奎二同年

陳生射策未三十箭筆如鋒不破的自古英雄感慨多
直比臬廬懸一擲文章有命不論巧得喪窮通兩何惜
吾州二妙真豪放白壁明珠炯相望蜚英已邁時輩先
通籍還兼伯兄行霜蹄歷塊千里空風采承恩九天上
我辭君歸春正晚天風吹颿落花滿青冥浩蕩南極淡
白日波濤洞庭遠感君惜別重徘徊令我長歌激肝膽
雲山之東佳氣濃磔裂華蓋晶熒通紛紛鸞鵠好羽翼

莫笑垂翅南飛鴻

朔方歌

朔方大野何寥哉悲風慘淡從天來初如巨壑吼陰浪
忽似暗空行怒雷嚴風吹霜石為裂淅瀝飛沙砭人骨
萬里書生二十餘足馬來為朔方客朔方之人膽如斗
不聞才華聞身手無復悲歌慷慨聲猶能使氣屠鷄狗
憑高仰視太行山山氣空濛紫翠間東西日月自吞吐
今古煙雲相往還太行勢盡西山起鳳舞龍蟠聳神偉
昨夜燕山雪作團散落飛花漢宮裡朔方猛士氣凌雲
白首防邊未策勛馬上相逢淚如瀉嗟我何為朔方野
與同年鄒煥同歸舟中望太行山和前韻

我行訪道真勞哉，豈意萬里逢君來。
琳宮悞落丹篆筆，驚起電火龍池雷。
龍池雷息丹篆裂，蝕食真詮竊仙骨。
投筆歸來帝未知，長揖金華紫微客。
相攜歷井捫箕斗，側身太行一揮手。
俯眡蒼茫八極深，始悟丹經一竊狗。
舊傳石髓在茲山，恍恍靈光石縫間。
可憐中散餐不得，王烈一去何年還。
九原劫灰無日起，我獨從君探奇偉。
君知混沌非死生，我亦空洞無表裏。
哦詩寄謝山中雲，采芝種朮非殊勛。
太行山傾河絕瀉，此時正到無何野。

邯鄲道上書所見

馬瓏瓏車碌碌，古道茫茫沙撲撲。
帽翻翻袖速速，丁丁零零西番經。
軋軋刺刺單于曲，西番經無人聽。
單于馬

上琵琶聲烏紗鬚髮雙娉婷不知是河西不知是女真
有時喚驢兒玉色微生嗔東風日暮邯鄲塵去去共踏
長安春往來只在都門下可笑相逢不識君

雙瑞吟

平水張仲彬余同年友也男女同日而誕詩以
慶之余昔為張贊梅竹云吳門幽栖不可奪志
付之和羹正在爾子一竿兩竿籜龍晚出

早生男晚生女早晚參差愁嫁娶羨君男女同日生嫁
去娶歸無可慮君家生孟筋力强抱哺喜聽啼宮商高
堂記我梅竹讚大笑此識非詩狂君不見鄴城斗牛結
雙瑞一朝飛入延平水一雄一雌本同氣復來平水為

兄弟張公神物會有時雪花芙蓉照天地樂哉張公我
同年我今入室憂綿綿封侯作妃兩不願但願多種南
山田十年生老京華饒西風落木行湘川別君上馬且
歸去嬉咲牽衣亦可憐

贈張仲彬黃石公素書并文昌像

贈君留侯跪履幽渺之遺編侑以文昌示像天矯之飛
鳶兩公往者為時出蒼姬再造炎劉端浮漚變化不離
世而我未見空長嘆世人欲學不死訣強以體骸留神
丹豈知英槩自不死明月照海秋空寒前身孝友侯者
仲後身忠憤人書韓君胡為乎雲山之間雲山之間七
十一峰有下七曲橫江子房赤松乖崖霜後鷹希夷霞

外鴻又何必華山白雲千里萬重攜吾書子吾山中爾
從兩君子或往或來躡層冰而把芙蓉

雲朋歌

蒙古字學汪掾婺州人扁其室曰雲朋將歸江
東索詩為別因賦雲朋歌以餞之

九疑冥冥天素秋大江茫茫東海流竹黃梧老鳳凰愁
白雲孤飛誰與儔金華美人弄桂舟翩然乘風來遠遊
酌子一盃酒送子黃鶴樓古來管鮑餘荒丘至今寒松
相蔭雲相酌商山黃綺成長往富春羊裘空悵望安得
變龍螭盍簪與君共致青霄上

梅南歌

陳掾南仲種梅滿屋扁曰梅南介其友譚志仁
求詩於余作此以贈之

空山舊種江南春含煙照雪疑幽人幽人自看種梅趣
醉擁瓊樹歌香巾去年隨春過江北十里春風杏花白
北人不慣種梅花失笑南人惟看雪梅南仙兄乃爾奇
傅巖曾相吳門姿上書未可掛冠去要見著子和羹時
碧雲引贈相士高雲臥

碧虛道人結茅屋千个萬个琅玕竹碧水泠泠冰雪生
虛中蕩蕩乾坤宿風吹碧雲行竹間時與白雲相往還
道人振策出雲外長笑始知雲未閑華山高門不閉頭
髮鬢髻吾欲睡被渠苦勸出山來面頰無光眼睛翳試

問渠又無語一碧虛明或歸去桃花流水幾春秋如此
天地吾何愁

梅花五友歌

古人一水畫十日今我此畫凡幾筆生綃數幅畫水石
獨立寒梅妙難識當其痛飲三百觴胸蟠勁氣不肯降
龍牙弄泉噴白雪鶴翅捩漢飛玄霜瀟湘之濱渺平楚
望美人予在南浦夢回殘月照寒衾忽見瑤臺淡妝舞
此時見畫心悵然吟蛩落木秋無邊化工知我惜花意
墨香到骨花能言長松飛來盛成卷竹色蘭芳靜相見
吾廬雖小物色多不待更買鸞溪絹

黃石歌

黃精瘦硬無人食后土藏形化為石元氣冥冥兩竅通
照見日月相出入劉郎天台歸赤手把突瓦山神夜醉
失摩訶洞口朝吟空嘆息蘚痕蝕盡花雨乾三月桃膠
凍蠹密請君愛護雙玲瓏菖蒲綠葉搖春風試采松根
餐石髓杖藜同訪穀城東

松障圖歌

何人獨立身堂堂十八公子鬚髯蒼凝冰不遣勢摧折
清籟時與髯低昂蘭為兄子雪為友燕坐松間自呼酒
眼花耳熱鱗鬣生千尺龍蛇入揮手手中松月自離筆
已見雲煙生翳鬱倘非白晝堂宇空真恐幽陰鬼神出
平生始識顏平原堅苦絕勝甜中過世間畫史千金價

惜哉此松不多畫

牧牛歌

我昔維舟彭澤縣東村西塢都行遍茅屋深林十數家
數家茅屋連秋甸老翁七十蓑笠歸門外繫牛桑下飯
平原過雨草生香遠岫餘暉煙似練牧兒騎牛不知倦
吹笛山前任回轉自矜牛背穩如舟我笑舟行命如綫
況是閭閻日相見辭家萬里非吾願非吾願歸來耕稼
逢秋旱田間對盡空三嘆

紙帳歌和全初上人韻并柬劉光朝時朝納寵故
戲之耳

道人於事百不聞歲晚鶴骨誰相溫禪床璽光薄如霧